

EVENING GOJRI NEWS BULLETIN
23 JAN 2026 1700 HRS

اوننگ گوجری نیوز بولیٹن 23 جنوری 2026

یوہ آکاشوانی جموں بے محبوب سلطانے تے نصرت تیں خبر سُنو۔

HEADLINES

۱۔ وزیر اعلیٰ عمر عبداللہ نے کشمیر ڈویژن گا شراکت داراں سنگ بجٹ توں پہلاں گل بات گو اجلاس منعقد کیو تانجے عوام دوست بجٹ بنايو جاسکے۔

۲۔ وزیر اعلیٰ نے کہی وجے تیز ہوا تے برف باری غی وجہ سنگ تباہی توں بعد حالات آہستہ آہستہ بہتر ہو رہیا ہیں۔

۳۔ چاولاں توں لدی وی پہلی مال گڈی اننت ناگ پُچ گئی ہے۔

۴۔ شری ماتا ویشنو دیوی غی پوتر گفا ور اس موسم غی پہلی برف باری ہوئی ہے۔

۵۔ برف باری توں اہم شاہراں بند ہون غے نال نال سرینگر ہوائی اڈہ توں 17 پروازاں نانہ وی معطل کردتو گیو ہے۔

CM PRE BUDGET MEET

وزیر اعلیٰ عمر عبداللہ نے جمعہ آلا تہاڑے عوام دوست بجٹ گی تیاریاں واسطے کشمیر ڈویژن توں تعلق رکھن آلا شراکت داراں سنگ بجٹ توں پہلاں مشاورتی اجلاس منعقد کیا ہیں اس سلسلہ مانہ وزیر اعلیٰ دفتر نے سماجی میڈیا ایکس ور اک پوسٹ مانہ دسیو جے اس مشاورتی اجلاس مانہ صنعت تجارت سیاحت مہمان نوازی باغبانی کھیتی باڑی تے تعلیمی شعبہ گا نمائنداں نے شرکت کی اس میٹنگ مانہ بکھ بکھ شعباں غی تجویز مسائل تے ترجیحات ور غور کیو گیو تانجے آن آلو بجٹ عوام گی ضرورت گی حقیقی عکاسی کرسکے وزیر اعلیٰ نے بجٹ بنان گا عمل مانہ تما شراکت داراں گی شمولیت غی اہمیت ور زور پایو واضع رہ جے یہ مشاورتی میٹنگ پورا مرکزی زیر انتظام علاقہ مانہ

جاری اجلاساں غو حصو ہے۔

RESCUE OP UDH

خراب موسم غے باوجود ادھمپور پولیس نے ویلے سر بچاؤ کاروائی کرتا مانہہ بسنت گڑھ علاقہ گا چوچرو گلا توں 12 افراد جن مانہہ خواتین تے بچہ وی شامل ہیں نانہہ بچالیو ہے جہڑا شدید برفانی طوفان توں اُت پھسیا واں تھا اس سلسلہ مانہہ پولیس چوکی سنگ نانہہ ان افراد بارے جانکاری ملن غے فوراً بعد اک ٹیم روانہ کردتی جس نے برف نانہہ لدیاں واں اوکھا رستاں توں پیدل سفر کرغے ان افراد نانہہ محفوظ جگہ ور منتقل کیو مزید جانکاری مہارا ضلع گا نمائندہ کولوں۔

PROG ANN GIRL CHILD

علاقائی خبران آلو شعبو آکاشوانی جموں 24 غی جانب تیں قومی بچیاں گا تہاڑا 2026 غا سلسلہ 25 منتاں گو ایک خصوصی گل بات گو پروگرام منعقد کرے غو، اس خصوصی نشریات غو موضوع لڑکیاں نانہہ باختیار بناؤ، قوم نانہہ باختیار بناؤ رکھیو گیو ہے تے یاہ نشریات 24 جنوری 2026 نانہہ تہاڑی غا 12 بجے براہ راست سنی جاسکے۔ جس مانہہ مہارا مہمان ویں گا ڈائریکٹر رنجیت سنگھ محکمہ سماجی بہبود جموں کشمیر حکومت جہڑا اس موضوع ور اپنا ماہرانہ رائے رکھیں غا، جد کہ اس پروگرام غی میزبانی مہاری میزبان شروتی کھجوریہ کریں غی۔

VANDE MATRAM RBN

قومی گیت وندے ماترم گا 150 سال پورا ہون غی یاد مانہہ دوجا مرحلہ غی تقریبات غے تحت رام بن مانہہ ضلعی سطح گو اک پروگرام منعقد کیو یوہ گیت نانہہ صرف بھارت غی آزادی غی جدوجہد غے دوران حوصلہ تے تحریک گو حصو بنی بلکہ اج وی اتحاد ہم آہنگی تے قومی فخر غی اک مضبوط علامت غا طور ور جانیو جے ضلع انتظامیہ نے اس گل ور زور پایو جے اس طرح گو پروگراماں غو مقصد لوکاں مانہہ حُب الوطنی گو جذبہ پیدا کرنو تے ملک گا شاندار ثقافتی تے تاریخی ورثہ نانہہ دسنو ہے اس سلسلہ مانہہ مزید جانکاری اعلیٰ پلیننگ افسر رام بن شکیب احمد راتھر کولوں۔
